

Peticion pa transparencia penal:

Hues a evalua derecho di Candidato-Minister pa haya informacion di sospecho

HUES di Corte den prome instancia a trata ayera e peticion di M.E. de Meza, cu el a haci a base di articulo 43 di Codico di Procedemento Penal. Señor De Meza a afirma cu e formado a pone na haltura cu Ministerio Publico a califik'e como sospechoso, a base di un denuncia dor di inspector. Cu e peticion aki, e ta pidi Hues pa duna Ministerio Publico ordo pa inform'e tocante e tipo y motibo di e sospecho contra dje.

Articulo 43 di Codico di Procedemento Penal ta bisa cu un ciudadano por pidi Hues pa haya un solucion na momento cu surgi un problema pa cual no tin regulacion legal specifico, pero cu di tur manera mester wordo resolvi urgentemente. Den tal caso, Hues por tuma un medida concreto pa garantisa cu e proceso penal ta desaroya bon y husto.

Pa respalda su peticion, e peticionario ta basa su argumentacion riba e Convencion Europeo di Derechonan Humano, e Staatsregeling y e Directiva 2012/13/EU di Parlamento Europeo y di e Consejo cu ta trata e derecho di haya informacion den procedementonan penal.

E directiva aki ta bisa cu tur persona cu ta wordo acusa pa un hecho castigabel tin derecho pa wordo informa tocante e tipo y motibo di e acusacion contra dje.

Sinembargo, actualmente no tin ningun persecucion andando contra e peticionario. Tampoco el a wordo deteni, ni invita pa wordo scucha como sospechoso. Eseyan lo ta e momentonan caminda un sospechoso mester wordo poni formalmente na haltura cu e ta wordo sospecha of acusa di comete un delito penal. Esaki ta aplica pa tur ciudadano cu ta sospechoso, incluso p'e. Ministerio Publico no ta mira ningun motibo pa kita di e norma aki den caso di e peticionario en cuestion. Pa e motibo ey, Ministerio Publico ta para riba cu e peticion mester wordo rechasa.

E procedimiento di screening pa Candidato-Minister

Considerando e obligacion di confidencialidad cu ta aplica pa tur persona cu ta involvi den e ehecucion Landsverordening integriteit ministers, Ministerio Publico no por haci ningun declaracion tocante e ponencia di e peticionario cu e ta formado lo a inform'e cu e ta sospechoso di un delito penal.

Ministerio Publico por unicamente indica den forma general, cu den e Landsverordening integriteit ministers, e legislado a encarga e procurador-general pa haci un investigacion hudicial riba e candidatonan pa minister. Tambe e legislado a determina cu e procurador-general mester saca un declaracion na e formado y na gobernador, den cual ta indica si e candidato ta sospechoso di un delito den un investigacion activo. Pues e legislado ta determina e reglanan, e funcionnan legal y e obligacionnan di Ministerio Publico. E ciudadano mes ta determina e momento cu e ta presenta un denuncia.

Hues lo tuma su decision mas lihe posibel, en todo caso dentro di un siman. E pregunta principal cu lo mester contesta ta si mester haci excepcion pa un candidato pa minister, en comparacion cu cualkier otro ciudadano di Aruba.



June Local Special

25% off for locals*

*Offer is valid for local residents with a local ID. Limited to a maximum of 12 persons. Bottles are not included in this offer.

SUNSETGRILLE

Open Daily 5:30 pm – 10:30 pm

J.E. Irausquin Blvd. 81, Palm Beach | hiltonaruba.com | [@hiltonaruba](https://www.facebook.com/hiltonaruba)
+297-526 6612 | AUAHH_SunsetGrille@hilton.com